



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmma Totivs Theologiae S. Thomae Aqvinatis, Doctoris Angelici Ordinis Prædicatorum**

Svpplementvm Tertiæ Partis

**Thomas <von Aquin, Heiliger>**

**Romae, 1619**

Vtrum pœnitentia solemnis sit imponenda mulieribus? 3

**urn:nbn:de:hbz:466:1-38817**

SED contra, Solemnis pœnitentia significat ejectionem primi hominis de paradiso. Sed hæc tantum semel est facta. Ergo & pœnitentia solemnis tantum semel debet fieri.

RESPONDEO dicendum, quòd solemnis pœnitentia iterari non debet, propter tria \*. Primo, ne ex iteratione vilescat. Secundo, propter significationem †, quia significat expulsionem primi hominis de paradiso, quæ semel tantum facta est. Tertio, quia solemnizatio est quasi quædam profectio pœnitentiam perpetuo conferuandi; & ideò iteratio solemnitati repugnat. Si tamen postmodum peccauerit, non clauditur ei locus pœnitentiæ, sed pœnitentia solemnis iterum ei iniungenda non est.

Ad primū ergo dicendum, quòd in illis sacramentis, in quibus solemnitas operatur, iteratio solemnitas repugnat, ut est in proposito. Et ideò non est simile.

Ad secundum dicendum, quòd quamuis ratio criminis deberetur sibi eadem pœnitentia, tamen solemnitas iteratio non competit, propter prædictas \* causas.

## ARTIC. III.

*Vtrum solemnis pœnitentia sit imponenda mulieribus, atque clericis?*

AD tertium sic proceditur. Videtur, quòd solemnis pœnitentia non sit imponenda mulieribus. Quia vir, cui imponitur solemnis pœnitentia, debet comam abijcere. Sed hoc non competit mulieri, ut patet 1. ad Cor. 11. Ergo non debet agere solemnem pœnitentiam.

¶ 2 Item, Videtur, quòd clericis sit imponenda, quia imponitur propter grauitatem delicti. Sed idem peccatum grauius est in clerico, quàm in laico. Ergo magis debet imponi clerico, quàm laico.

¶ 3 Item, Videtur, quòd à quolibet sacerdote possit imponi. Quia absoluere in foro pœnitentiæ, est eius, qui habet clauis. Sed simplex sacerdos habet clauis. Ergo potest esse minister huiusmodi pœnitentiæ.

\* Aug. ep. 54. ad Macedonium, 10. 2. & habetur de pœn. d. 3. c. 22. & 4. sent. d. 14. S. B. & in decret. d. 50. c. 63. † decret. d. 50. c. 65. \* in corp. huius ar. 110 ut patet ex Conc. Agaten. c. 11. & in decre. dist. 50. c. 64.

RESPONDEO dicendum, quòd omnis solemnis penitentia est publica: sed non conuertitur. Penitentia enim solemnisi hoc modo fit\*: In capite, Quadragesimæ tales penitentes præsentant se cum presbyteris suis Episcopo ciuitatis ante fores Ecclesie, sacco induti, nudis pedibus, vultibus in terram demissis, coma deposita: & eis in ecclesiam introductis, Episcopus cum omni clero, septem Psalmos penitentiales dicit: & postmodum eis manum imponit, aquam benedictam super eos spargit, & cinerem capiti superponit, cilicio\* colla eorum operit, & denuntiat eis lachrymabiliter, quòd sicut Adã eiectus est de paradiso, ita ipsi de ecclesia eiiciuntur: postea iubet ministris, vt eos ab ecclesia pellant, clero eos prosequente cum hoc Responsorio: In sudore vultus tui, &c. In cæna autem Domini quolibet anno a suis presbyteris in ecclesiam reducuntur: & erunt ibi vsque ad octauas Paschæ, ita tamen, quòd non communicabunt, nec pacem accipient: & sic fiet quolibet anno, quousque aditus ecclesie fuerit eis interdictus. Vltima autem reconciliatio reservatur Episcopo, ad quem solum spectat solemnisi penitentia impositio\*. Potest autem imponi viris & mulieribus: sed non clericis, propter scandalum. Non autem talis penitentia debet imponi, nisi pro peccato, quod totam commouerit vrbem. Publica autem & non solemnisi penitentia, est que in facie ecclesie fit, sed non cum solemnitate prædicta\*, sicut peregrinatio per mundum cum baculo cubitali: & hæc potest iterari, & a simplici sacerdote iniungi, & potest etiam clerico imponi. Tamen quandoque solemnisi penitentia accipitur pro publica: & secundum hoc, auctoritates quædam varie loquuntur de solemnisi.

Ad primum ergo dicendum, quòd mulier habet comam in signum subiectionis, non autem vir: & ideo non competit vt in penitentia mulieri coma deponatur, sicut viro.

supplementum.

Q Ad

*Hac habentur in decret. d. 50. c. 65. incipit, In capite.*

*Al. capisa.*

*vt dicit. in decre. d. 50. c. 66*

*In hoc corp.*

*Decr. d. 50. c. 65. in fine.* Ad secundum dicendum, quòd quamuis in eodem genere peccati clericus plus peccet quam laicus; tamen non imponitur ei penitentia solemnis, ne ordi veniat in contemptum: unde non defertur persona, sed ordini.

Ad tertium dicendum, quòd magna peccata indigent magna cautela ad sui curationem: & ideo in iunctio penitentiae solemnis, quæ non nisi pro gravissimis peccatis fit, soli Episcopo referuatur.

## QVÆST. XXIX.

*100c. Tri. ss. 10. de sac. extrema unctio. cap. 2.* De sacramento extrema unctio. ¶ quantum ad ipsius essentiam & institutionem, in novem articulos divisa.

¶ Post hæc considerandum est de sacramento extrema unctio. de quo quinque videnda sunt.

- ¶ Primo, de essentialibus ipsius, & de eius institutione.
- ¶ Secundo, de effectu ipsius.
- ¶ Tertio, de ministro ipsius.
- ¶ Quarto, de eo cui conferri debet, & in qua parte.
- ¶ Quinto, de eius iteratione.
- ¶ Circa primum quaeruntur novem.
- ¶ Primo, utrum extrema unctio sit sacramentum?
- ¶ Secundo, utrum sit unum sacramentum?
- ¶ Tertio, utrum hoc sacramentum fuerit à Christo institutum?
- ¶ Quarto, utrum oleum oliuae sit conveniens materia huius sacramenti?
- ¶ Quinto, utrum oporteat oleum esse consecratum?
- ¶ Sexto, utrum oporteat materiam huius sacramenti per Episcopum consecrari?
- ¶ Septimo, utrum hoc sacramentum habeat aliquam formam?
- ¶ Octavo, utrum forma huius sacramenti debeat proferi per orationem deprecativam?
- ¶ Nono, utrum prædicta oratio sit competens forma huius sacramenti?